



ԱՌԱՋՆՈՐԴՈՒԹԻՒՆ ՀԱՅՈՑ

DIOCESE OF THE ARMENIAN CHURCH OF AMERICA, 630 SECOND AVENUE, NEW YORK, N. Y. 10016 212 686-0710

ARCHBISHOP TORKOM MANOOGIAN, PRIMATE

Թիւ 27568

Դեկտեմբեր 21, 1981

Արժանաշնորհ
Տ. Յուսիկ Զինյ. նշանեան
Առժամեայ Հովիւ Ս. Խաչ Եկեղեցւոյ
Նախագահ ծխական Խորհուրդի
Գանատա.

Սիրելի Տէր Յուսիկ,

Թեմական Խորհուրդի 1981 Դեկտեմբեր 16 նիստին մէջ կրկին նկատի ա-
ռինք Թորոնթոյի Ս. Խաչ Եկեղեցւոյ ծխական Խորհուրդի զանցառութիւնները
եւ Թեմական Իշխանութեան հրահանգներուն հանդէպ ցուցաբերած ընթացքն ու
անհնազանդութիւնը:

Կրկնելով Թեմական Խորհուրդի վերջին եւ վճռական մտադրութիւնը, որ
հաղորդուած է ձեզի 1981 նոյեմբեր 24 թուակիր նամակով, կը հրահանգենք
ձեզ գործադրել հետեւեալ որոշումը.

1. Առաջնորդ Սրբազան Հայրը Թորոնթօ պիտի զանուի 1982 Յունուար
6ին: Ուստի, կը հրահանգենք որ Թորոնթոյի Ս. Խաչ Եկեղեցւոյ ծխական Խոր-
հուրդը Առաջնորդ Սրբազանին անձնապէս յանձնէ Թեմական Պատգամաւորական Ժո-
ղովի որոշումին համաձայն նշանակուած ծխական տարեկան տուրքը, որ Ս. Խաչ
Եկեղեցւոյ ծխական Խորհուրդի զանցառութեան պատճառաւ բարձրացած է 17,080
ամերիկեան տուարի:

2. Երբ Առաջնորդ Սրբազանին անձնապէս յանձնուի փոխգիր մը 17,080
ամերիկեան տուարի, Ս. Խաչ Եկեղեցւոյ ծխական Խորհուրդը կը հրաւիրուի
ներկայանալ Թեմական Խորհուրդի նիստին՝ նկատի առնելու համար հարցեր որ
Ս. Խաչ Եկեղեցւոյ ծխական Խորհուրդը կը փափաքի յանձնել Թեմական Խորհուր-
դի ուշադրութեան: Այս պարագային կը թելադրենք որ ծխական Խորհուրդը
Առաջնորդ Սրբազանին գրաւոր կերպով ներկայացնէ այն հարցերը զորս կը փա-
փաքի նկատի առնել Թեմական Խորհուրդի հետ:

ինչպէս հեռաձայնով եւս յայտնեցինք ծխական խորհուրդիդ Ատենապետ Տիար Արմէն Քիւրքճեանին, կը յուսանք որ ծխական խորհուրդը կը հետեւի Թեմական խորհուրդի հրահանգներուն, խնայելու համար նոր խողովուրթիւններ ծուխին մէջ:

Սիրոյ ողջունիւ

ԹՈՐԳՈՄ ԱՐՔԵՊԻՍԿՈՊՈՍ
Առաջնորդ

Օրինակ՝ ծխական խորհուրդի Ատենապետին